



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Nam ex iis tantùm sequitur usum Regaliæ non esse introducendum in futurum in provinciam Burdegalensem. Sed non remittitur id jus; quod nondum bene receptum erat. Præterea, irrepere illud non ...

**urn:nbn:de:hbz:466:1-15617**

I. **A**QUITANIA nunc tractanda causa est : circa quam duo quædam constituere possumus , quæ verissima sunt citra omnem controversiam. Primum, Reges Franciæ nunquam contendisse jus Regalia porrigi ad eam provinciam. Secundum, si jus illud in usu illic fuisset, ad Duces Aquitanæ pertinere debuisse. Probari illud abundè potest ex arresto Parlamenti Parisiensis lato anno. MCCLXXVII. in quo memorantur literæ quædam Regis Angliae, qui professus fuerat non posse se uti jure Regalia in Ecclesia Burdegalensi, id est, ad se non pertinere usumfructum redditum Ecclesiæ Burdegalensis interim dum sedes vacat. Earum præterea literarum vis firmata est declaratione facta à procuratoribus illius Regis, qui publicè professi sunt nolle Regem venire contra illas literas. Regis Angliae declaratio eò majoris momenti est ad afferendam immunitatem canonicam provinciæ Burdegalensis, quod jure illo Regalium in regno Angliae uteretur, ut suprà probavimus ex rescripto Alexandri III. & pater etiam ex consuetudinibus Clarendonæ apud Matthæum Parisium : *Cum vacaverit vel archiepiscopatus vel abbatia vel prioratus in dominio Regis, esse debet in manu ipsius ; & inde percipiet omnes redditus & exitus, sicut dominicos redditus suos.* Visis itaque literis Eduardi, & audita declaratione procuratorum ejus, visisque privilegiis Ecclesiæ Burdegalensis, pronuntiatum fuit custodiā bonorum ecclesiasticorum pertinere ad Capitulum, sede Burdegalensi vacante. Hæc sunt verba arresti : *Notum facimus quod sede Burdegalensi vacante, & archiepiscopali bonis captis in manu nostra, pro contentione que erat inter dilectum consanguineum & fidem nostrum Regem Anglia illustrem ex una parte & Capitulum Burdigalense ex altera, super eo quod dictus Rex dicebat se habere Regalia in eisdem, procuratore dicti Capituli hoc negante, & è contrario pro dicto Capitulo proponente custodiā bonorum dicta sede vacante ad dictum Capitulum perinere, & in ipso judicio exhibente quandam literam dicti Regis Anglie & patris sui, per quam apparebat quod dictus Rex Regalia non habebat ibidem, tandem hujusmodi negotio in nostra Curia pendente, procuratores dicti Regis Anglie super dicta litera consulere voluerunt ipsum Regem ; qui per procuratores suos Curie nostræ significavit quod contra dictam literam venire non volebat. Visis quibusdam privilegiis Ecclesiæ Burdegalensis, pronuntiatum fuit per Curie nostræ judicium custodiā bonorum archiepiscopali, sede Burdegalensi vacante, ad dictum Capitulum perinere.*

II. Privilegia Ecclesiæ Burdegalensis, quorum in hoc arresto facta mentio est, intelligenda sunt de literis Ludovici Crassi Regis, ejusque filij Ludovici junioris, datis in gratiam Episcoporum & Abbatum provinciæ Burdegalensis, ex quibus colligerunt Chopinus & Pafquierius exemptionem Regaliæ indultam esse huic provincia ab Regibus illis. Extant autem privilegia illa in regestis Parlamenti Parisiensis itemque in regestis camerae Computorum sub titulo *De remissione Regalie Burdegalensis Ecclesiæ.* At ego contendo nequaquam heic agi de Regalia : quæ nondum introducta erat ævo illorum Regum, neque quoad usumfructum redditum, neque quoad collationem Præbendarum. Vnde factum ut in eis literis nulla mentio eorum facta sit, ususfructus nimirum, neque collationis Præbendarum. Hæc enim omnino sunt verba privilegij à Ludovico Grossio concessi : *Eapropter petitionibus vestris, communicato prius Episcoporum, Abbatum, & procerum nostrorum consilio, assentiente Ludovico filio nostro jam in Regem sublimato, duximus annuendum, & in sede Burdegalensi & in predictis episcopalibus sedibus & abbatis ejusdem provincie, que defuncto illustri Aquitanorum Duce Comite Piastaviensi Guillermo per filiam ipsius Alienoram jamdudum filio nostro Ludovico sorte matrimonij cedit, in Episcoporum & Abbatum suorum electionibus canonicam omnino concedimus libertatem, absque hominj, iuramentis, seu fidei per manum date obligatione.* Porro decadentis Archiepiscopi & suffraganeorum ipsius Episcoporum sive Abbatum decadentium res universæ successorum usibus regia auctoritate servari voluntus & concedendo precipimus illesas. Hoc quoque adjicentes, ut omnes Ecclesiæ infra denominatam provinciam constitute preda, possessiones, & universa ad ipsas jure perinventia secundum privilegia, justicias, & bonas consuetudines suas habeant & possideant illibata. Quinto Ecclesiæ ipsis universis & earum ministris, cum possessionibus suis, canonicam in omnibus concedimus libertatem.

III. Fateor equidem ex eo privilegio sequi usum Regaliæ non esse introducendum in futurum in provinciam Burdegalem. Veruntamen contendo eo non remitti eum usum. Neque sanè id fieri potuit, cum ea lex nondum bene recepta esset in regno. Multò minus probabile est in Aquitania valuisse ; ubi pietas Gulielmi Duci ac numerus Conciliorum Piastaviensium edicta obstat ne consuetudo illa irrepereret. Nam anno millesimo centesimo synodus Piastaviensis à Paschali secundo Papa cum consensu Gulielmi Aquitania Ducis coacta prohi-

Choplin. lib. 1. de  
Dom. Tit. 9. § 5.  
Pafquier. lib. 3.  
cap. 17.

## & Imperij Lib. VIII. Cap. XXVII. 453

buerat ne quis Episcoporum , Abbatum, aliisve à clero donum episcopatus aut abbatiae à Rege , Comite, aut quovis laico accipiat. Si vero laici per vim retinere tentarent, eos synodus excommunicat, & Ecclesiæ supponit interdicto. Hæc sunt verba canonis primi: *Decretit sancta synodus ut nullus Episcopus, Abbas, Presbyter, vel qualibet persona de clero accipiat de manu Regis vel Comitis vel cuiuslibet laice persona donum episcopatus, abbatis, vel Ecclesiæ.* Infrā: *Si vero laici, canonicis decretis resistent, Ecclesiæ violenter retinere præsumperint, ipsi excommunicentur.* Non solum autem Comes consensit adimi sibi auctoritate hujus canonis investituram spiritualem, sed etiam retentionem Ecclesiæ. Has enim retineri receptum erat circa usumfructum redditum, donec investitura temporalis concessa fuisset. Aliud dein Concilium in urbe Piætaviensi habitum est à Legatis ejusdem Papæ anno M C I X. in quo prohibitum est ne Clerici laicis præstarent homagium. Verum ea constitutio non excludit juramentum fidelitatis; ut super ostendit in capite xxi. hujus libri. Hæc sunt verba canonis Piætaviensis: *Vt Clerici nunquam alicui laico hominum facere præsumant.*

I V. Dubitari ergo non potest quin ea prohibitions in executionem missa sint in Aquitania; quæ in Conciliis Romanis decretae, in Conciliis dein Piætaviensibus renovatae fuerant præsente & consentiente Duce Aquitaniae. Itaque privilegium à Ludovico Grossi ejusque filio Francorum Regibus concessum provinciæ Burdegalensi, quo libertas canonica conceditur provinciæ, & nominatim libertas electionum, quo præterea necessitas homagij remittitur personis ecclesiasticis, & bona Episcoporum mortuorum servantur successoribus, ac patrimonia Ecclesiæ cathedralium & aliarum, cujuscunque tandem conditionis illa sint, tota integra conservari jubentur, prævilegium inquam illud, ut superiores canones confirmat, ita obstat ne titulo Regaliae introduci possit in eam provinciam confuetudo occupandi redditus Ecclesiæ vacantium, aut collationes Præbendarum tentari. Sed tamen nequaquam à lege eximit, quæ nondum reperta erat. Regeatum Cameræ Computorum, in quo provincia Burdegalensis inter eas recensetur quæ Regi non solvunt Regalia, interpretationem recipere posset, si ea unquam persoluta fuissent Duci Aquitaniae. Sed jam docuimus ex arresto anni M C L X X V I I . in causa Ecclesiæ Burdegalensis pronuntiatum fuisse secundum Capitulum adversus Regem An-

glia. Sed quod observatione dignum est in hoc loco, Rex Philippus Pulcer Ecclesiæ Piætaviensi restituji jussit anno M C C V I . redditus ex bonis illius Ecclesiæ collectos sede vacante; ut constat ex eodem regesto, in quo leguntur hæc verba: *De Piætaviensi computatum fuit anno M C C V I . Sed Rex per literas totum restitui jussit Episcopo.* Id autem factum est in consequentiam libertatis canonice quæ jam inde à temporibus Ducum Aquitaniae ea Ecclesia fruebatur; tametsi Piætaviensis comitatus Anglis ademptus, regia Francorum Coronæ additus fuisse sub sapientia Ludovico.

V. Dubitandum non est quin provincia quoque Auscitana, quæ alio nomine Vafonia dicebatur, quæque jam ab anno millesimo trigesimo secundo ad Duces Aquitaniae pervenerat, iisdem canonibus Piætavienis Conciliorum teneretur. Vnde sequitur ei quoque provinciæ indultam esse libertatem canonicam à Ducibus Aquitaniae, & à Ludovico Rege postea confirmatam, non secùs ac libertatem provinciæ Burdegalensis. Quapropter nemini mirum videri debet quod in eodem regesto cameræ computorum provincia Auscitana in eodem immunitatis gradu collocata est cum Burdegalensi. Quod fit ut verisimile videatur Reges Anglia ab ea quoque provincia non exigisse jus Regalium. Atque id è magis probabile est quod Reges Franciæ, postquam Aquitania ad corpus regni redit, Ecclesiæ illius provinciæ suam immunitatem conservaverunt.

### A D D I T I O

#### S T E P H A N I B A L U Z I I .

Dicitur libertate provinciæ Burdegalensis, quanquam ea materia diligenter isthoc capite tractata fuerit, nonnulla tamen nobis dicenda incumbunt quæ scriptio non sufficiente illustrissimum Archiepiscopi. Ea libertas, si vetera tempora repetamus, petenda videtur à beneficentia Regum Christianissimorum Ludovici Grossi ejusque filii Ludovici senioris, quorum Praecepta jam edita sunt. At in archivio Ecclesiæ Sarlatensis in Aquitania secunda extant Bullæ Eugenij tertij & Anastasi quarti Pontificum Romanorum, quibus eadem libertas confirmata est ad exemplum Innocentij secundi & Lucij secundi, qui ante Eugenium & Anastasium fuderunt, quique ei Regum munificentie vim apostolice auctoritatis addiderant. Quoniam vero epistolæ illæ Eugenij & Anastasi nondum, quod sciam, evulgatae sunt, visum est eas heic opportunissimo loco exhibere ex archivio Ecclesiæ Sarlatensis, ut dixi, descriptas, & mecum humanissime communicatas ab amicissimo viro Armando Gerardo Canonicō Sarlatensi, ecclesiasti cœantiuitatis peritissimo.

LL iij